



AR GYFER BUSNES
CAMBRIA
FOR BUSINESS

WWW.CAMBRIA.AC.UK/BUSNES



Prentisiaethau
Apprenticeships

CYFLOGWYR

CANLLAW I BRENTISIAETHAU

CEFFYLEG

CROESO



Mae prentisiaethau yn cynnig cyfle i ddysgwyr feithrin y sgiliau a'r wybodaeth sydd eu hangen arnynt i weithio a datblygu eu rhagolygon gyrfa. Maent yn gynhwysol ac yn addas i bob dysgwr.

Mae timau asesu Cambria ar gyfer Busnes yn gweithio'n agos gyda chwmnïau, rheolwyr, adrannau ac unigolion i deilwra asesiadau i weddu gwaith penodol a swydd y gweithiwr.

GOFYNION LLYWODRAETH CYMRU AR GYFER ARIANNU PRENTISIAETH

Cyn cofrestru ar gyfer prentisiaeth, cynhelir ymholiad lechyd a Diogelwch ar gyfer eich cwmni i gadarnhau fod polisiâu statudol lechyd a Diogelwch ar waith.

Byddwn yn monitro lechyd a Diogelwch eich prentis yn rheolaidd trwy gydol y rhaglen hyfforddi. Bydd yr asesydd yn y gwaith yn cynnal adolygiad o'r hyfforddiant a'r lleoliad gwaith bob 61 diwrnod o leiaf. I gyfuno'r adolygiad gyda'r NVQ yn y gwaith, mae hyn yn aml yn cael ei gynnal yn fisol. Bydd yr adolygiad hwn yn rhoi cyfle i gyflogwyr gynnig sylwadau a bod yn rhan o hyfforddiant eich dysgwr a gwirio ei gynnydd.

GOSOD TARGEDAU FFRAMWAITH

Yn ystod pob adolygiad prentis, bydd yr asesydd yn y gwaith yn cadarnhau targedau y cytunwyd arnynt gyda'r prentis ar gyfer beth y dylid ei gwblhau erbyn ei ymweliad nesaf. Bydd hefyd yn rhoi amser i'r asesydd adolygu a rhoi adborth ar unrhyw waith asesu sydd wedi cael ei gyflwyno, a chynllunio rhagor o asesiadau ar gyfer y dyfodol.



PA GYMWYSTERAU YN Y GWAITH FYDD YN ADDAS AR GYFER FY MHRENTIS?

Gwneir ymholiadau am natur y brentisiaeth ac, os oes angen, cynhelir ymweliad â'r safle er mwyn deall y gwaith mae'r prentis yn ei wneud.

Dylid dewis cymwysterau a llwybrau a fydd yn cyd-fynd â'r gofynion prentisiaeth ac sy'n adlewyrchu gwaith y dysgwr yn gywir fel ei fod yn gallu dangos ei gymhwysedd.

A ALL FY MHRENTIS WNEUD RHAGOR O HYFFORDDIANT YN YSTOD EI BRENTISIAETH?

Wrth gwrs, ond rydym yn cynghori fod yr hyfforddiant yn gymesur fel bod y prentis yn gallu cwblhau gofynion y brentisiaeth bresennol.

BETH YW PRENTIS DA?

Unigolyn sy'n llawn cymhelliant, yn ymroddedig, yn gweithio'n galed, ac yn barod i ddysgu.

CYMORTH GAN Y DARPARWR HYFFORDDIANT

Bydd prentisiaid yn cael cymorth parhaus gan staff y coleg, gydag arweiniad un i un penodol a chymorth gan eu Hasesydd yn y Gwaith.

PA GYMORTH SYDD ANGEN I MI EI ROI I FY MHRENTIS?

Mae angen i brentisiaid gael anogaeth a chyfranogiad gan eu cyflogwr drwy gydol y broses hyfforddi ac adolygu. Bydd hyn yn sicrhau bod fod y prentis yn cael y cyfle i weithio mewn meysydd gwahanol gyda chydweithwyr gwahanol i ehangu ei brofiad dysgu ymhellach. Bydd y berthynas hon gyda phob parti yn cynorthwyo'r prentis mewn llwybr gyrfa strwythuredig.

Mae'n bwysig bod eich prentis yn cael amser a chymorth i fodloni terfynau amser yr hyfforddiant, ei fod yn cymryd rhan mewn cyfarfodydd a phenderfyniadau sy'n effeithio ar ei waith a'i hyfforddiant, ac yn cael ei annog yn gyffredinol i gymryd rhan ym mhob agwedd ar ei fywyd gwaith. Mae hefyd yn bwysig fod cyflogwyr yn rhoi cyfle i'r prentis wneud mathau priodol o dasgau yn y gweithle, fel y gall unigolyn ddatblygu ei sgiliau a bodloni'r gofynion cymhwyster cymhwysedd yn y gweithle.

PA GYRSIAU RYDYM YN EU CYNNIG MEWN CEFFYLEG YN Y GWAITH?

Lefel 2

Gallwch ddewis o'r llwybrau canlynol:

- Gofal Ceffylau
- Gofal Ceffylau a Marchogaeth
- Gofal Ceffylau a Bridio

Mae hyn hefyd yn cynnwys Tystysgrif Dechnegol, gyda dewis o:

- Egwyddorion Gofal Ceffylau BHS
- Dyfarniad mewn Busnes ar gyfer Sector y Tir
- Tystysgrif 1st4Sport mewn Egwyddorion Gofal Ceffylau

Mae dewisiadau Gofal Ceffylau a Marchogaeth BHS ar gael o lefel 2 i 4 gyda dewisiadau gofal ceffylau, rheoli ceffylau a marchogaeth

Lefel 3

Gallwch ddewis o'r llwybrau canlynol:

- Gofal a Rheoli Ceffylau
- Rheoli Gofal Ceffylau (Marchogaeth)
- Rheoli Gofal Ceffylau (Bridio)
- Rheoli Gofal Ceffylau (Hyfforddi)

Mae hyn hefyd yn cynnwys Tystysgrif Dechnegol, gyda dewis o:

- Egwyddorion Gofal Ceffylau BHS
- Dyfarniad mewn Busnes ar gyfer Sector y Tir
- Tystysgrif 1st4Sport mewn Egwyddorion Gofal Ceffylau

Mae pob prentisiaeth yn cynnwys:

- Asesiadau Cychwynnol a Diagnostig

Sgiliau Hanfodol mewn:

- Cymhwyso Rhif
- Cyfathrebu

Peidiwch â phoeni os nad ydych chi'n gweld cwrs yma sy'n addas ar gyfer anghenion eich sefydliad - efallai y gallwn addasu'r hyfforddiant i ddiwallu eich anghenion penodol chi.

